

Von allerhand Arzney/

Poley mit Essig vnd Saltz zerstoßen/ ist gut für den Krampff / warm damit geriben / ist auch gut für Scorpion vnd Spinnen stich.

Ein Arantz auß Poley gemacht / vnd auff dem Haupte getragen/ vertreibt den Schwindel.

Welche ein kalt feucht Hirn haben/ sollen stets an Poley riechen.

Poley gedörret / vnd ein Rauch davon gemacht/ vertreibt die Flöhe.

Andorn.

Gottsvergif.

Andorn ist heiß vnd trucken im andern Grad.
Die Blätter / Safft oder Samen gesotten in Wein vnd den geruncken mit Honig/ ist gut für das Abnehmen / vnd Husten/ für die Pestilenz/ mit einem Tüchlein darumb geschlagen.



Wenn die Därme wehe thun / oder gebrochen weren/ der siede Andorn mit Wein / vnd thu Honig darzu / laß kalt werden / trincke es / es hilfft Husten vnd alte Brust geschwer. Vnd wann ein Fray von ihrer Geburt her nicht wol gereiniget were/ treibet die Zeit vnd Nachgeburt. Andorn ist eine sonderliche Arzney für die Wärm in den Ohren / für Wassersucht/

sucht/ Harnwinde/ für das Grimmen im Leib. Thut
auff die verstopfte Lebern/ vnd Milz. Ein Weinges
macht von Andorn im Herbst/ täglich getruncken/ reis
niget innerliche Glieder/ vnd behält die offen.

Andorn Wasser.

Die Wurzel/ Kraut vnd Stengel vndereinander
gehack't/ vnd distilliert im Ende des Meyens. Des
Morgens vnd Abends getruncken auff drey Loth/ ist
gut für den Husten/ Engbrüstigkeit/ Blutspeyen/ Was
fersucht/ stärcket den Magen/ Brust/ Lung/ Leber/
Milz/ Nieren vnd Blasen.

Zu zeiten zwey Loth/ von Schwängern Frawen ge
truncken/ kräftiget vnd stärcket die Kinder/ gibt gute
Vernunft/ das Haupt damit bestrichen.

Das Wasser von Andorn gesotten/ heylet alle böse
Grind/ Schuppen/ Flechten vnd Zittermäher.

Item die Laug darin schwarzer Andorn gesotten/
ist nuzlich den Grindigin außgebrochenen Köpfen/
damit gewaschen.

Das Pulver von Andorn kräutten/ heylet die Feyß
wätzen.

Alraun.

Diese Wurzel ist Kalt vnd trucken/ im dritten
Grad.

Davon gessen oder getruncken/ machet also
hart schlaffen/ daß man Glieder von dem Leib
schneiden nicht empfindet.

Alraun rinden dreyer Zeller Gewichte schwer/ für
der Frawen Gemächte gehalten/ bringet ihre zeit/ vnd
treibet auß die todte Geburt. Auch die Wurzel in
Wein gesotten/ auff's Gicht gelegt/ stillt der Glieder
Wehethumb.